









Issued by the National Council of SPCAs
P.O. Box 1320, Alberton 1450
Tel: 011 907 3590
Fax: 011 907 4013
E-mail: nspca@nspca.co.za

SPCA yare...

TLHOKOMELA
DIKGOGO TSA GAGO



Use of pictures courtesy of the Department of Agriculture • Sponsored by the Thompson Educational Trust

- Kgogo e nnyane e bidiwa **‘Chicks’**
- Kgogo ya tshegadi e bidiwa **‘Hens’**
- Kgogo ya poo kgotsa mokoko e bidiwa **‘Roosters’**

NTLO LE TLHOKOMELO

- Ga dikgogo di le mo lebokosong la sefo, ditlhoka go sireletsiwa mo puleng, sefakong, diphefo tse tsididi le letsatsi le le fisang.
- Bollo bo bo feteletseng kgotsa serame se se tseneletseng le metsi di ka nna kotsi mo dikgogong. Dika boga le go swa. Lega di ka se swe mme di ka se itekanele.
- Mo mafelong a bolelo, le wapi le le metsi mowa o tshwanetse go nna teng mo dikgogo di leng teng gore di nne di sa utlwi bollo. Dikgogo ditlhoka phefo.
- Mo lefelong le dikgogo di nna teng go tlhokega dithulelo. (fa dithulelo di dirilwe ka thini kgotsa tshipi e tshwanetse e apesiwe ka tlhaga kgotsa ditlhare gore e seke ya nna mogote kgotsa ya tsidifala tathata). Karolo tse pedi di tlhoka go nna le dithulelo go re di sireletse dikgogo go tswa mo puleng, phefo e maruru le letsatsi.
- Dikgogo di tlhoka lefelo le le mofuthu le le omileng go robala. Go botoka go di direla magong gore di kgone go robala bosigo.
- Dikgogo tse di mo lebokosong la sefo ga di kgone go tshabela diphologolo tse dingwe jaaka ntswa. Netefatsa lebokoso la tsone le sireletsegile gore diphologolo tse dingwe di sa di fitlhelela.
- Fa kgogo e le ngwe e lwala kgotsa e gobetse e tlase o e tsenye mo lifelong lele siretletsegileng e le nosi. O e neele tlhokomelo le Dijo go fitlhella e fola gape. Fa kgogo e lwala thata kgotsa e gobetse thata go botoka o e tlhaba sentle.
- O seka wa tlogela kgogo e gobetseng le digkogo tse dingwe. Di tlile go e komota go fitlhella e swa.
- Ditswane le dikgogo tse di bokoa di tshwanetse di fepiwe le go tlhokomelwa di kgaogantshwe le tse dingwe.

TSALO

- Go tsaya malatsi ale 21 gore ditswane ditswe mo maeng.
- Go tshwanetse go nne le bollo, go sena metsi ebile go sireletsegile gore dikgogo di beele mae.
- Tsenya tlhaga mo sentlhageng, se se tlile go dira mae a nne phepa le go nna a thuthufetse le gore a sa thubega.
- Ka nako tse dintsi kgogo fa e elame mae a yone e ka se tswela ka ntle go batla dijo le metsi. E tsenyetse metsi le dijo gore e kgone go a fitlhelela.
- Sentlhaga se tlhoka go nna gaufi kgotsa fo fatshe gore fa ditswane di thuthutsa dikgone go tsena le go tswa sentle mom go sone.
- Kgogo fa e nale di tsuane e tlile go di sireletsa. Go botoka fa o ka di kgaoganya le tse dingwe go fitlhella ditswane di gola dinna le matla. Di tshwanetse di nne le dijo le metsi ka nako tsohle
- O seka wa tsenya dikgogo tse di ntsi mo lebokosong la sefo. Di tshwanetse di kgone go tsamaya tsamaya sentle le go otlolola maphuka a tsone sentle. Go botoka go tshola dokgogo ka ditlhopa tse di nnye e kanna tse 20 se se tlile go thibela go lwana le go gaisana.
- O seka wa tsenya mekoko mo bkokosong e le ngwe dika lwana.
- O seka wa tsenya mekoko e mentsi e fetang dikgogo tse tshegadi mo felong le le lengwe ka gonne digogo tse tshegadi di ka gobala, ka gonne mekoko e tlile go di pagama ka nako tsotlhe.
- Mokoko o le mongwe mo dikgogong tsa tshegadi dile 10 e siame.
- Mekoko e tshwanetse e le kane le dikgogo tsa tshegadi ka boketse. Ga di le dikgolo thata di tlile go gobatsa tsa tshegadi ga di e palama.

METSI

- Dikgogo di tshwanetse di nne le metsi a phepa go re dinwe ka nako tsotlhe.
- Kgogo e le ngwe e tlhoka metsi a ka nna 100ml ka nako tsotlhe.
- G agole mogote ditlhoka go nwa metsi a mantsi gore di sa tlhole di nna bolelo le gore di kgone go ja.
- Metsi a tshwanetse go nna mo moriting gore a sa nna bolelo.
- Go re dikgogo seka di a tsenya santa le letswe mo metsing, tsholetsa sejana sa metsi.
- Letlhakore la sejana sa metsi se tshwanetse go nna ko tlase gore se letlelele di tsuane di kgone go nwa ebile di seka tsa nwela mo metsing.
- Bofa sejana sa metsi kgotsa o tsenye lejwe le le phepa gore metsi a sa tshologa le go senyega.
- Sejana sa metsi se tlhoka go phepafatsiwa le go tlatsiwa tsatsi le le tsatsi.

DIJO

- Dikgogo di kgona go ja dijo tse di setseng jaaka bogobe, borotho, merogo le mmidi.
- Dijo tse dingwe ditlhoka go kgaolwa ka karolo tse di nnye kgotsa di apeiwe gore di nne boleta gore dikgogo di kgone go dija. Dikgogo di tlhoka dijo tse di siameng di tlhakantswe sentle gore di nne di itekanetse.
- Ga go nale dikgogo tse di fetang 10 mo di kwaletsweng teng dijo di tlhoka go kgaogangwa ka karolo tse pedi, gore di kgogo tsotlhe di kgone go ja.
- Tsholetsa sejana sa dijo gore ditswane dikgone go ja le gore dikgogo di se gate dijo.
- Go re o nne le mae a matla le ditswane, dikgogo ditlhoka *‘calcium’*. Ga dikgogo di sa fepiwe dijo tse di rekisiwang tsa dikgogo, di tshwanetse di fitlhelle *limestone grit*, *oyster shells* le *sawdust* ya nama.
- Dijo di tshwanetse di nne di sa fitlhelwe ke pula, ka gonne di ka nna bodila le go senyega.
- Dijana ditlhoka go phepafadiwa ka nako tsotlhe le dijo tsa kgale di ntshiwe.

BOPHEPA

- Fa dikgogo dile mo le felong le le maswe di ka tshabelwa ke malwetse le go nna di sa itekanela.
- Mo di kgogo di tswaletsweng teng go tlhoka go phepafadiwa fo fatshe le ga nna gangwe mo bekeng.
- Go tsenya tlhaga mo fatshe go thusa gore mantle a tsene mo gare ga tlhaga, bogolo jang fa o e tsenya mo di robalang teng. Tlhaga yak gale e tlhoka go tloswa mme e ntshwa e tsengwe beke le beke.
- Tlhaga ya sentlhaga le yone e tlhoka go ntshiwa gangwe mo bekeng.
- Mo dikgogo di nna teng go tlhoka go nna go le phepa, gonne dikgoiogo di rata go robala le go pitikologa mo motlabeng. Go dira yalo go di thusa go phepafatsa mafafa le go ntsha di nta.
- Go botlhokwa gore mo dikgogo di leng teng go sekame gore metsi a tswe sentle le go re go nne go omeletse.
- Ga metsi a tama, go botlhokwa gore go epiwe foro kgotsa mosima go re e ntshe metsi go nne go omeletse mo fatshe.

SPCA yare...

TLHOKOMELA DIKGOGO TSA GAGO